

Wednesday, September 2, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

ZPM PR

Memorandum of Settlement (MoS) leh Inner Line Regulation (ILR) chungchangalh Assembly pawn lama Debate neih tul an tih loh thu an sawi.

ZPM Media and Publicity Department chuan thuchhuah siamin Mizoram Legislative Assembly Session thla kalta ni 27 a neihah Dr. Lalthangliana, MLA chuan Memorandum of Settlement (MoS) leh Inner Line Regulation (ILR) hmanga Calling Attention Motion a putluh chungchangah Chief Minister Pu Laldulhoma chuan debate neih ni se tiin a rawt a, Leader of Opposition Pu Lalchhandama Ralte MLA chuan Debate neih a nih theih nan Assembly Session chu ni khat dang pawh sei ni se ti a rawt ve thung a, amaherawhchu he rawtna hi Speaker-in emaw, a rawttu ngei leh Member dang tute mahin an sawi zui tak loh avangin Assembly House chhungah chuan Debate chu neih a ni ta lo a ni an ti a.

Hemi chungchang hi fiah takin Chanchinthar thehdarhtu hrang hrang ten sawizuiin, thudik tak hre duh tan chuan a fiahin a chiang thawkhat hle tih ZPM Media and Publicity Department chuan sawiin hemi avang hian ZPM chuan Assembly pawn lama Debate neih chu tul an tih tawh lo an ti.



CONG PR

Congress Thalai (MPYCC) chuan Tanin a tang tlanchhuak an awm leh thin chu an ngaimawh hle tih sawiin, ZPM sorkar chuan Mizoram mipui dinhmun himlo ah a dah mek a ni, an ti

Congress Thalai chuan vawiin khan thuchhuah siamin. Mualthuam North tleirawl nunna hlu tak laksaktu a puh Denghmingthanga, Police kuta a awm lai leh kutkawh pawh a bun lai renga mipui mimir tan pawha him lo thei tura a tlan chhuak thei chu chuan makin a pawh a ti takzet a ni an ti a. Tun hnai a Jail tang tlan chhuak an awm ta fo mai chu Home Minister chak loh leh inthlahdah vang niin a hria an ti.

MNF leh ZPM Sawrkar kum reilote chhunga Jail tang tlanchhuak an tam ta lutuk leh an duh hun huna Jail tang te an tlanchhuak ta mai emaw tih tura a awm chu a pawh tak zet an ti a.

Kum 2022 atang August 2026 chhungin Mizoram jail hrang hrang atangin tang tlan chhuak mi 74 an awm a. ZPM sorkar kum hnih leh a chanve chhung lek hian jail tang tlan chhuak an awm tam tawh hle tih sawiin Jail tang tlan chhuak zingah pawngsual leh tualthat thubuaia tang, rukruk leh in rawk ching an nih fur avangin a him lo hle a ni ti.

Kum 2024 Assembly Budget Sessionah Home Minister Pu K. Sapdangan Mizoram Jail dinhmun chhiat dan leh siamthat a tul zia sawiin, Jail tangte chu zanah nula rima chhuak thinin zan rei tawh hnuah jail-ah an rawn haw leh mnai thin ni a a sawi chuan amah leh a department chan ngei mualpho takin a siam a, a department chan a hneh loh zia mipui hmaah a tarlang a ni tih Congress Thalai te chuan an sawi a, hemi hnu lama a khat tawka Jail tang tlanchhuak an awm tak fo avang hian Home deperment ah hmasawнна leh insiam that na a la awm chuang lo tih a lang chiang hle an ti bawk.

Contress Thalai thuchhuah chuan ZPM sorkar in Mizoram chhunga Jail hrang hrang te District Prison & Correctional Home ti a bming a thlak hnuah mipui bumna atana hming thlak ringawta term hmang zo lo tur leh a tak taka hnathawk turin an hriattir tih an sawi ani.



KHAWZAWL

Khawzawl District Agriculture Department Staff te chuan thla hlui August ni 7 vel atanga Khawzawl District Rabung a Khùmzawl zau a Khau puang chu nimin khan a hmunah kalin an enfiah a.

Khùmzawl zauah hian Khau hi chawlhkar khatah vawihnih vel an inlar tlangpui a, boruakah an thlawh nuai nuai bakah thingkung leh thlai kung sangah te an bet fur thin a, thlai erawh beih leh tihchhiat an nei lo nia sawi a ni. Khau hi thla hlui August ni 28 atang khan an reh rih a, vawiin thlengin an puang zui tawh rih lo a ni.

Nimin khan Khawzawl District Agriculture Staff te chuan Khau puanna hmun te an tlawh a. Hetah hian loneitute kawmin thil chin chang an zawtfiah a, khau puang venna tur damdawi an sem ng ni.



LAWNGTLAI

Lawngtlai bawrhsap, District Disaster Management Commitee Chairman, Pu Donny Lalruatsanga hovin DDMA Lawngtlai ten Kaladan Multi Modal Transit Transport Project kawngpui-NH-502 'A' a tuihawk tling, Chandmary Thlanmual thlen hma a mi chu nimin khan an enfiah a,

Lawngtlai-III leitlahniam avang hian Motor lian kaltlang phal a nihloh avangin Multi MOdal kawngpui, Lawngtlai By pass road atan hman bawk chu a lun zual a, kawngpui chhe zuallaia tuihawk tlingte hi khawl hmanga thenfai nghal a ni a, SDRF kaltlangin DDMA Lawngtlai ten side drain - leh kawngpui hnawhkhah hna hi an thawk zui ang.

Pu Donny Lalruatsanga chuan KMMTTP kawngpui chu nakum maia hawn tur a nih vangan, Ministry of Road Transport and Highways kaltlanga 'Repair & Maintenance' hnathawk tur & Brahmaputra Infrastructure Ltd. te pawh lo thleng tawhin, an inbun fel tep a ti a; Company lam te an in bunfel hnu chuan harsatna tawhten ziaawm lam a pan a beisei awm tiin,tunah pawh theih ang angin an thawk mek reng a ni, a ti.

Bawrhsap chuan KMMTP (NH- 502 A) chu Myanmar insumdawn tawнна Kawngpui pawinmawh tak leh a paltlang khaten an chhawr tangkai em em a nih

vangin, leimin a awmin theihtawp chhuah thenfai thin a ni, a ti a. Hemi kawngah
hian KMMTTP Kawngpui enkawl mektu PWD (Multi Modal Project Division) te
bakah Central YLA ten theihtawp an chhuah thin chu fakawm a tih thu a sawi.

